

增壹阿含經

卷三十二

二百六十九
如二

49443



元祿九年丙子二月日重脩

皇圖翠圖 帝齋銀呂

佛日增輝 轉谷輪常轉

山城州天安寺法金剛院置



增壹阿含經卷第三十二

符秦建元年三歲曇摩難提譯

力品第三十八之餘

聞如是一時佛在羅閱城耆闍崛山中與大
比丘衆五百人俱尔時世尊告諸比丘汝等
見此靈鷲山乎諸比丘對曰唯然見之卿等
當知過去久遠世時此山更有異名汝等復
見此廣普山乎諸比丘對曰唯然見之汝等
當知過去久遠此山更有異名不與今同汝
等見白善山乎諸比丘對曰唯然見之過去
久遠此山更有異名不與今同汝等頗見此
負重山乎諸比丘對曰唯然見之汝等頗見

如

此仙人窟山乎諸比丘對曰唯然見之此山
過去久遠亦同此名更無異名所以然者此
仙人山恒有神通菩薩得道羅漢諸仙人所
居之處又辟支佛亦在中遊戲我今當說辟
支佛名号汝等諦聽善思念之有辟支佛名
阿利吒婆利吒審諦童辟支佛善觀辟支佛
究竟辟支佛聰明辟支佛無垢辟支佛帝奢
念觀辟支佛無減無形勝最勝極大極雷電
光明辟支佛此比丘諸辟支佛若如來不出
世時亦時此山中有此五百辟支佛居此仙
人山中如來在兜術天上欲來生時淨居
天子自來在此相告普勅世間當淨佛土却

後二歲如來當出現於世是時諸辟支佛聞
天人語已皆騰在虛空說此偈

諸佛未出時 此處賢聖居 自悟辟支佛

恒居此山中 此名仙人山 辟支佛所居

仙人及羅漢 終無空缺時

是時諸辟支佛即於空中燒身取般涅槃所

以然者世無二佛之号故取滅度耳一商客

中終無二導師一國之中亦無二王一佛境

界無二尊号所以然者過去久遠此羅閱城

中有王名喜益彼恒念地獄苦痛亦念餓鬼

畜生之痛尔時彼王便作是念我今恒憶地

獄畜生餓鬼之苦痛我今不宜更入此三惡

道中今宜盡捨國王正位妻子僕從以信堅
固出家學道。爾時大王喜益。厭此酸苦。即捨
王位。剃除鬚髮。著三法衣。出家學道。在空閑
之處。而自剋已。觀五盛陰。觀了無常。所謂此
色。此色習。此色盡。痛想行。識亦復如是。皆悉
無常。當觀此五盛陰。時諸可習法盡。是滅法。
觀此法已。然後成辟支佛道。是時喜益。辟支
佛已成道果。便說此偈。

我憶地獄苦 畜生五道中 捨之今學道
獨逝而無憂

是時此辟支佛在彼仙人山中。比丘當知。以
此方便。知此山中恒有神通菩薩得道真人。

學仙道者而居其中是故名曰仙人之山更
無異名若如來不出現於世時此仙人山中
諸天恒來恭敬所以然者斯山中純是真人
無有雜錯者若弥勒佛降神世時此諸山名
各各別異此仙人山更無異名此賢劫之中
此山名亦不異汝等比丘當親近此山承事
恭敬便當增益諸善功德如是比丘當作是
學亦時諸比丘聞佛所說歡喜奉行

聞如是一時佛在舍衛國祇樹給孤獨園亦
時世尊告諸比丘汝等專念而自修已云何
當專念於是比丘可行知行舉動進止屈伸
俯仰著衣法則睡眠覺寤或語或默皆悉知

時若復比丘心意專正彼比丘欲漏未生便
不生已生便滅之未生有漏使不生已生令
滅之未生無明漏使不生已生令滅之若專
念分別六入終不墮惡道云何六入爲惡道
眼觀此色若好若醜見好則喜見惡不喜若
耳聞聲若好若醜聞好則喜聞不好則不喜
鼻口身意亦復如是猶如六種之虫性行各
異所行不同若有人取繩纏縛之取狗野狐
獼猴鱸魚蚘蚘飛鳥皆悉縛之共繫一處而
放之尔時六種之虫各有性行尔時狗意中
欲起趣村中野狐意中欲起趣塚間鱸魚意
中欲趣水中獼猴意中欲向山林之間毒蚘

意中欲入穴中飛鳥意中欲飛在空。尔時六種之虫各各有性行而不共同。設復有人取此六種之虫繫著一處而不得東西南北。是時六種之虫雖復動轉亦不離故處。此內六情亦復如是。各各有所生其事不同。所觀別異。若好若醜。尔時比丘繫此六情而著一處。是故諸比丘當念專精意不錯亂。是時弊魔波旬終不得其便。衆善功德皆悉成就。如是諸比丘當念具足眼根。便得二果於現法中。得阿那含果。若得阿羅漢果。如是諸比丘當作是學。尔時諸比丘聞佛所說歡喜奉行。聞如是一時佛在波羅柰鹿野園中。與大比

丘衆五百人俱尔時世尊告諸比丘當思惟
無常想廣布無常想已思惟無常想廣布無
常想便斷欲愛色愛無色愛盡斷憍慢無明
何以故昔者過去久遠世時有辟支佛名善
目顏貌端正而如桃華色視瞻審諦口作優
鉢華香體作栴檀香是時善目辟支佛到時
著衣持鉢入波羅柰城乞食漸漸至大長者
家在門外默然而立是時長者女遙見有道
士在門外立端正無雙顏貌殊特世之希有
口作優鉢蓮華香身作栴檀香便興欲心向
彼比丘所便作是說汝今端正而面如桃華色
世之希有我今雖處女亦復端正可共合

會然我家中饒多珍寶資財無量然作沙門
甚爲不易是時辟支佛問曰大妹今爲染著
何處長者女報曰我今正著眼色又復口中
作優鉢華香身作栴檀香是時辟支佛舒左
手以右手挑眼著掌中而告之曰所愛眼者
此之謂也大妹今日爲著何處猶如癰瘡無
一可貪然此眼中亦漏淨亦漏不淨大妹當
知眼如浮泡亦不牢固幻偽非真誑惑世人
耳鼻口身意皆不牢固欺詐不真口是唾器
出不淨之物純含白骨身爲苦器爲摩滅之
法恒盛臭處諸虫所擾亦如盞瓶內盛不淨
大妹今日爲著何處是故大妹當專其心思

惟此法幻僞不真如妹思惟眼色無常所有
著欲之想便自消滅耳鼻口身意皆悉無常
思惟此已所有欲意自當消除思惟六入便
無欲想是時長者女便懷恐懼即前礼辟支
佛足白辟支佛言自今已去改過修善更不
興欲想唯願受悔過如是再三修行辟支佛
報曰止止大妹此非汝咎是我宿罪受此形
故使人見起欲情意當熟觀眼此眼非我亦
非彼有亦非我造亦非彼為乃從無有中而
生已有便自壞敗亦非往世今世後世皆由
合會因緣所謂合會因緣者緣是有是此起
則起此無則無此滅則滅耳鼻口身意亦如

是皆悉空寂是故大妹莫著眼色以不著色
便至安隱之處無復情欲。如是大妹當作是
學。尔時辟支佛與彼女人說四非常之法
已昇在虛空現十八變還歸所止。尔時彼女
人觀眼耳鼻口身意了無所有。便在閑靜處
思惟此法。彼女人復更思惟六情無主。得四
等心。身壞命終。生梵天上。比丘當知。若思惟
無常。想廣布。無常想盡。斷欲色。無色愛。憍慢
無明。皆悉除盡。是故比丘當作是學。尔時諸
比丘聞佛所說。歡喜奉行。

聞如是一時佛在舍衛國祇樹給孤獨園。尔
時波斯匿王告御車人曰。汝今辦羽寶之車。

吾欲出外遊觀。是時彼人受王教勅，即辦羽寶之車。前白王曰：「已嚴駕羽寶之車，王宜知。」是時波斯匿王將此人，便出舍衛城，至彼園觀。觀諸樹木，皆無聲響，亦無人民，寂然空虛。見已，便憶如來說諸法之本。是時彼人在王後執扇而扇王。此園果樹木皆無聲響，亦無人民，寂然空虛。我今欲請如來至真等正覺，在此遊化。然不知如來今爲所在。我欲往覲，侍人報曰：「釋種有村，名曰鹿堂。如來在彼遊化。」波斯匿王告曰：「此鹿堂去此遠近？」侍人白：「王如來任處去，此不遠。」計其道里有三由旬。是時波斯匿王告曰：「速辦羽寶之車。我今欲。」

見如來是時彼人受王教已即辦駕車前白
王曰車今已駕王知是時王即乘車往詣彼
村尔時衆多比丘輩於露地而經行是時王
下車至衆多比丘所到已頭面礼足在一面
住是時王白比丘曰如來今爲所在吾欲見
之衆多比丘報曰世尊在此講堂中住可往
見之勿以爲難王欲去時徐舉其足無令有
聲是時波斯匿王還顧視彼侍人是時侍人
便作是念王今獨與世尊相見我應住此是
時王獨往至世尊所尔時世尊以天眼觀見
波斯匿王在門外立是時世尊即從座起與
王開門王見世尊頭面礼足自稱姓名我是

波斯匿王三自稱号世尊告曰汝今是王我
今釋種出家學道時王白佛唯願世尊延壽
無窮使天人得安世尊告曰使大王當延壽
無窮以法治化莫以非法諸有以法治化者
皆生天上善處正使命終之後名稱不朽世
人所傳去昔有國王以法治化未曾有枉設
有人民住此王境界歎王功德思憶不忘者
王身在天上增六事功德云何爲六一者天
壽二者天色三者天樂四者天神足五者天
豪六者天光是故大王當以法治莫以非法
我今日身中有此功德應受天人恭敬禮拜
王白佛言如來功德應受人禮拜世尊告曰

汝今云何言如來應受人禮拜王白佛言如
來有六功德應得受人禮拜云何爲六如來
正法甚爲和雅智者所修行是謂如來初功
德可事可敬復次如來聖衆極爲和順法法
成就戒成就三昧成就智慧成就解脫成就
解脫見慧成就所謂聖衆者四雙八輩此是
如來聖衆可敬可貴世間之大福田是謂如
來第二功德復次如來有四部之衆所施行
法皆習行之更不重受觸擾如來是謂如來
第三功德復次世尊我見刹利之姓婆羅門
居士沙門高才蓋世皆來集論議我等當以
此論往問如來設彼沙門瞿曇不報此論者

則有缺也設當能報者我等當稱其善是時
四姓來至世尊所而問此論或復有默然者
尔時世尊與彼說法彼聞法已更不復問事
況復欲論皆師事如來是謂如來第四功德
復次諸六十二見欺誑世人不解正法由此
致愚然如來能除此諸邪見業修其正見是
謂第五如來功德復次衆生身口意修惡彼
若命終憶如來功德離三惡趣得生天上正
使極惡之人得生天上是謂第六如來功德
其有衆生見如來者皆起恭敬之心而供養
之世尊告曰善哉善哉大王乃能如來前作
師子吼演如來功德是故大王常當興心向

於如來如是大王當作是學亦時世尊與王波斯匿說微妙之法使令歡喜是時大王聞說法已即從座起禮世尊足便退而去王去未久佛告比丘汝等當持此法供養善諷誦念所以然者此波斯匿王之所說也汝等亦當與四部衆廣演其義如是諸比丘當作是學亦時諸比丘聞佛所說歡喜奉行

聞如是一時佛在羅閱城加蘭陀竹園所與大比丘衆五百人俱亦時阿闍世王告群臣曰汝等速駕羽寶之車吾欲往見世尊是時群臣受王教勅即駕羽寶之車前白王言嚴駕已辦王宜知時時王乘羽寶之車往至世

尊所頭面礼足在一面任尔時阿闍世王白
世尊言唯願世尊受我請在羅閱城九十日
夏坐尔時世尊默然受王請是時王見世尊
默然受請即從座起頭面礼足便退而去是
時阿闍世王隨時供養衣被飲食牀卧具病
瘦醫藥尔時毗舍離城鬼神興盛人民死亡
不可稱計一日之中死者百數鬼神羅刹充
滿其中面目黃色或經三四日而死者是時
毗舍離人民恐懼皆集一處而共論議此大
城中極為熾盛土人豐熟富樂無限如彼天
宮釋所任處然今日為此鬼神所害盡當死
亡丘荒猶如山野誰能有此神德却此灾患

是時人民各各自相謂曰我等聞有沙門瞿曇所至到處衆邪惡鬼不得燒近若當如來來至此者此諸鬼神各自馳散但今日卍尊在此羅閱城中爲阿闍卍所供養將恐不來此間遊化或復有作是說如來有大慈悲愍念衆生遍觀一切未度者使令得度不捨一切衆生如母愛子設當有人請者如來便來阿闍卍王終不留任誰能堪任至阿闍卍王界而白卍尊云我等城中今遭此厄唯願卍尊慈悲屈願今時有大長者名曰最大集在彼衆是時諸人語長者曰我等聞沙門瞿曇所至到處諸邪惡鬼無有能害若當如來至

此間者便能除此灾患汝可往世尊所具白
此意使此城郭永得存在是時長者默然從
衆人語即從座起往至家中到已辦道路行
具將諸使人往至世尊所頭面礼足在一面
坐尔時長者白世尊言毗舍離城中人民遇
此鬼灾人民之類死云者衆計彼城中一日
之內連車載屍動有百數唯願世尊垂愍接
度使彼遺餘拔擇安處令得無爲又聞世尊
所至到處天龍鬼神不敢燒近願垂屈願至
彼城中度彼人民安處無爲世尊告曰我今
已受羅閱城阿闍世王請諸佛世尊言無有
二若當阿闍世王見聽者如來當往最大長

者白佛言此事甚難阿闍世王終不放如來
使至彼國所以然者阿闍世王於我國王無
有毫釐之善長夜求方便欲害彼民設當阿
闍世王見我者即取我殺況復得陳此事若
當聞彼國人民爲鬼神所害者歡喜無量世
尊告曰勿懷恐懼汝今徑至王所而白此事
言如來記別王身終無虛妄所言無二父王
無咎而取害之當生阿鼻地獄中經歷一劫
然今日已離此罪改其過罪於如來法中信
根成就緣此德本得滅此罪永無有餘於今
身命終當生拍毘地獄中於彼命終當生四
天王上於彼命終生豔天上於豔天上命終

生兜術天化自在天他化自在天復還以次
來至四天王中大王當知二十劫中不墮惡
趣恒在天人中生最後受身以信堅固剷除
鬚髮著三法衣出家學道名曰除惡辟支佛
彼王聞此語便當歡喜踊躍不能自勝亦當
告汝作是語隨汝所求要願吾不違之是時
長者白世尊言我今當持世尊威神至彼王
所即從座起頭面禮足往彼王所尔時阿闍
世王與諸群臣在高殿上有所講論是時大
長者往至王前王遙見來語群臣曰若當此
人今至此所汝等欲取何爲或有作是說我
等當取五瓦之或言當臬其首阿闍世王言

汝等催取殺之不須見吾是時長者聞此語
已極懷恐懼尋時高聲而作是語我是佛之
所使王聞佛音已即下座右膝著地向如來
所問彼長者曰如來何所教勅長者報曰世
尊記別聖王而無虛妄所吐言教終無有二
如來言王取父王害之緣此罪本當入阿鼻
地獄中經歷一劫然復尋時改過於如來所
今當生拍翅地獄中於彼命終當生四天王
中展轉生他化自在天中還復次來生四天
王中二十劫中不墮三惡趣流轉天人之中
最後受身以信堅固出家學道名曰除惡辟
支佛出現於世王聞此語已歡喜踊躍不能

自勝即告大長者曰汝今欲求何願吾當與
之長者白王所求願者王勿見違阿闍世王
告曰汝今但說欲求何願吾不違之長者白
王毗舍離城人民遇災爲鬼神所害不可稱
計如今羅刹鬼神極爲暴虐唯願大王聽放
世尊至彼國界令彼鬼神各各馳散所以然
者我等曾聞若如來所至到處天龍鬼神不
得其便唯願大王聽許世尊至彼國界王聞
此語已便長歎息告長者曰此願極大非常
人所及汝若當隨吾求城郭村落國財妻子
吾不悖之我不慮汝當屈願世尊然我先已
許所求之願今隨汝意是時長者極懷歡喜

即從座起。辭王退去。往至世尊所。白世尊言。阿闍世王已許。放世尊詣彼國界。世尊告曰。汝並在前。如來自當知時。是時長者頭面禮足。遶佛三匝。便退而去。是時世尊清旦。將諸比丘衆前後圍遶。出迦蘭陀竹園。所往詣毗舍離城。尔時王阿闍世在高樓上。及將持蓋一人。尔時王遙見世尊。向彼國界。便自歎息。告左右曰。我等爲此長者所欺。我今復用活爲。乃使如來出此國界。是時阿闍世王持五百蓋。往送世尊。恐有塵土。全身羅閱城中。復有五百寶蓋。從如來後。是時釋提桓因。知世尊心中所念。復以五百寶蓋。在虛空中。恐有

塵土全如來身及諸河神復持五百寶蓋在
虛空中是時毗舍離城人民之類聞世尊今當
入城復持五百寶蓋前迎世尊尔時有二千
五百寶蓋懸在空中尔時世尊見此蓋已即
時便笑此是諸佛世尊常法設如來笑時口
中便有五色光出青黃白黑赤侍者阿難見
此光明作此思惟此是何緣設世尊笑必有
因緣事不虛尔是時阿難長跪叉手白世尊
言如來終不妄笑笑必當有緣世尊告曰汝
今見此二千五百寶蓋供養如來乎阿難白
佛唯然見之世尊告曰若如來不出家學道
者當二千五百世作轉輪聖王治化人民以

如來出家學道更不受此寶蓋阿難當知過
去久遠有王名善化治在蜜絺羅國以法治
化接納有方統此閻浮提里地靡不從令者
尔時彼王有八万四千宮人姝女皆是刹利
種姓第一夫人名曰日光亦無兒息用繼嗣
者是時彼王便作是念我今統此閻浮里地
然今無有兒息便向諸山神樹神天地神明
求有兒息又未經數日之中夫人懷妊是時
日光夫人白王言大王當知我今覺知有身
宜自將護復經八九月生一男兒顏貌端正
面如桃華色夫人見已極懷歡喜往示大王
王見歡喜踊躍不能自勝及八万四千夫人

見生太子亦各歡喜是時國王召諸群臣國師道士使瞻相之又與立字使出稱傳尔時相師前白王言今生太子極爲端正與世有異其有見者莫不愛念今當立字名曰愛念已立字竟各還所在是時國王愛念太子未曾離目即與太子起三時講堂復以姝女充滿其中與王太子共相娛樂尔時太子便作是念此中姝女頗有常存不離世間亦不變易然觀彼衆中盡皆無常無有常存於世者悉是幻偽無有真實使人民之類染著愛樂皆不知遠離之我今復用此爲可捨而學道是時愛念太子即以其日剗除鬚髮著三法

衣出家學道尋即其夜斷諸結縛思惟有習
之法皆是磨滅成辟支佛已便說此偈

欲者無常法

變易無實定

知此爲大患

獨遊不與俱

是時辟支佛說此偈已即飛在虛空遶彼蜜
絺羅城三市是時國王在高殿上及諸宮人

共相娛樂見辟支佛遶城三市極懷歡喜不
能自勝我今太子騰在虛空如彼飛鳥又不
知成辟支佛而告之曰兒今來下至此殿上
與吾共相娛樂是時阿難彼辟支佛尋下殿
上欲度父母故時王語曰太子今日何爲著
此綵衣又剃鬚髮與人有異辟支佛報曰子

今所著甚爲竒雅非常人所習時王報曰何緣更不至宮中辟支佛言自今已後不復習欲亦不樂此五欲之中時王語言設不樂此五欲中者在吾後園中住尔時國王即自至園中造立屋舍是時辟支佛欲度父母故便住彼園館中受玉供養經歷數時便於無餘涅槃界而般涅槃王取舍利而維耶之即於彼處立大神寺是時王復以餘日往至園中觀看見彼神寺彫落壞敗見已便作是念此是我兒神寺今已彫壞是時國王即以已蓋覆彼神寺上皆由愛心未盡故阿難莫作是觀尔時善化王者即我身是時以兒故以一

蓋覆寺上緣此德本流轉天人之間數百千
變為轉輪聖王或為帝釋梵天我今時不知
是辟支佛設我知是辟支佛者其德不可稱
量若如來不成無上正真道者更二千五百
反作轉輪聖王治化天下以成道故今有此
二千五百蓋自然應現是謂阿難緣此因緣
如來笑耳承事諸佛功德乃尔不可稱計是
故阿難當求方便供養諸佛世尊如是阿難
當作是學是時世尊將諸比丘眾往詣毗舍
離城住城門中便說此偈
今以成如來 世間最第一 持此至誠語
毗舍離無他 復以至誠法 得至涅槃界

持此至誠語

毗舍離無他

復以至誠僧

賢聖衆第一

持此至誠語

毗舍離無他

二足獲安隱

四足亦復然

行道亦吉祥

來者亦復然

晝夜獲安隱

無有觸燒者

持此至誠語

使毗舍無他

如來說此語已是時羅刹鬼神各自馳走不

安其所更不復入毗舍離城諸有疾病之人

各得除愈尔時世尊遊在獼猴池側國土人

民承事供養衣被飲食牀卧具病瘦醫藥隨

其貴賤各來飯佛及比丘僧亦受八閔齋不

失時節是時毗舍離城內有六師在彼遊化

所謂六師者不蘭迦葉阿夷端瞿耶樓波休

迦梅先比盧持且捷子等是時六師集在一
處而作是說此沙門瞿曇住此毗舍離城爲
人民所供養然我等不爲人民所供養我等
可往與彼論議何者得勝何者不如不蘭迦
葉曰諸有沙門婆羅門不受他語方更致詰
此非沙門婆羅門之法然此瞿曇沙門不受
他語方更致難我等那得與彼論議阿夷湍
言無施無受亦無與者亦無今世後世衆生
之類亦無善惡之報瞿耶樓說曰在恒水側
殺害人民不可稱計積肉成山在恒水左作
諸功德緣此都無善惡之報波休迦旃言正
使在恒水左布施持戒隨時供給不令有乏

亦復無此福報先比盧持言無有言語亦無
言語之報唯默然快樂及捷子曰有言語亦
有言語之報沙門瞿曇亦是人我等亦是人
瞿曇有所知我等亦有所知沙門瞿曇有神
足我等亦有神足若彼沙門現一神足我當
現二神足彼現二神足我現四神足彼現四
我現八彼現八我現十六彼現十六我現三
十二恒使增多終不爲彼屈足得與揃力設
彼不受我等論者即是彼之咎人民聞已不
復供養我等便得供養是時有比丘尼聞此
語云六師集在一處生此論本沙門瞿曇不
受人論我等足得勝是時輸盧比丘尼飛在

虛空向彼六師而說此偈

我師無等倫

最尊無過者

是彼尊弟子

名曰輸盧丘

汝設有境界

便與我論議

我當事事報

如師子掩鹿

且捨我尊師

本無如來者

我今比丘丘

足能降外道

是比丘丘說此語已六師尚不能仰視顏色

况與論議是時毗舍離城人民之類遙見比

丘丘在虛空中共六師而論議然六師不能

報之各各稱慶歡喜無量六師今日屈折於

彼是時六師極懷愁憂出毗舍離城而去更

不入城是時衆多比丘聞輸盧比丘與六

師共論而得勝聞已至世尊所頭面禮足以

此因緣具白世尊世尊告諸比丘輸盧比丘
且有大神足有大威神智慧多聞我長夜恒
生此念更無有能與六師共論唯有如來及
此比丘且尔時世尊告諸比丘汝等頗見餘
比丘且能降伏外道如此比丘且比乎諸比
丘對曰不也世尊世尊告諸比丘我聲聞中
第一比丘且能降伏外道所謂輸盧比丘且
是尔時諸比丘聞佛所說歡喜奉行
聞如是一時佛在舍衛國祇樹給孤獨園尔
時世尊告諸比丘有六細滑更樂入云何爲
六所謂眼耳鼻口身意入是謂六入凡夫之
人若眼見色便起染著之心不能捨離彼已

見色極起愛著流轉生死無有解時六情亦復如是起染著意不能捨離由是流轉無有解時若世尊賢聖弟子眼見色已不起染著無有汙心即能分別此眼是無常之法苦空非身之法六情亦復如是不起染汙心分別此六情無常苦空非身之法當思惟此時便獲二果於現法中得阿那含若阿羅漢猶如有人極飢欲修治穀麥颺治令淨而取食之除去飢渴賢聖弟子亦復如是於此六情思惟汙露不淨即成道跡入無餘涅槃界是故此丘當求方便滅此六情如是諸比丘當作是學今時諸比丘聞佛所說歡喜奉行

增壹阿含經卷第三十二

如

嶮其勿酸苦官上蘇反覺寤教上音嘿默同二狐胡音獼

猴二字音鱣魚連上知反蚘音元又反貍貍字自批眼

彫上土浮泡下音觀觀下音貫官拔擇下音五下音瓦下音骨反吾

徑至定上反古拍毬六下反渠反醴音艷二同正五下音瓦下音骨反吾

杲古堯反恠良反刃娛樂上音窰締下反園館下音

維耶此去端瞿官上反詰起一掬力上音輸盧

朱上式反

增壹阿含經卷第三十二

如

